

醫學從衆卷七

閩吳航陳念祖修園甫著

次男元犀靈石叅訂

孫男

心典徽菴

心蘭芝亭

全校字

泄瀉

泄瀉之症有五。而總不離於濕。初起只以平胃散加猪苓澤瀉治之。他方皆不逮也。又有五更

天將明時。必洞瀉一二次。名曰脾腎泄。難治。蓋以腎旺於亥子。今腎大虛。閉藏失職。故五更之時。而特甚也。亦謂之脾者。以泄瀉之時。一定不移。五行之土。猶五常之信也。四神丸加味主之。大抵初瀉與瀉之未甚。宜利水。次補脾。久瀉大瀉。宜補腎。以胃關煎八味丸之類為主。兼服補中益氣湯。以升其下陷之氣。蓋以腎為胃關。二便開闔。皆腎所主也。

脉息

宜沉細 忌浮大

加味平胃散

蒼朮

炒二錢

炙艸

陳皮

各一錢

猪苓

厚朴

薑汁炒

澤瀉

各一錢五分

生薑

片三

水煎服

如頭痛發熱惡寒者外感風寒也加紫蘇二

錢川芎防風各一錢。

如傷食飽悶脹痛等症加山查麥芽之類大醉之後更加乾葛二錢。

如腹痛不休脉細手足冷中寒也加乾薑二錢肉桂吳萸各一錢。

如脉洪數有力口中熱舌紅腹痛時作時止小便短澀火瀉痛也加木通一錢乾葛一錢五分若蕪腸垢裏急後重再加黃連一錢白

芍三錢

如暑月水瀉口渴小便不利加滑石三錢研末

如瀉而腹痛不止為土傷木賊加酒白芍三錢防風一錢

如服前藥不能效者是脾腎虛寒宜加補骨脂炒扁豆白朮各二錢吳萸八分乾薑一錢以溫之如滑脫不止再加訶子肉豆蔻一錢

五分、鷲粟殼一錢、以瀝之。

四神丸

方見時方

鄉前輩林公諱祖成、加白朮八兩、鷲粟殼二兩、肉桂一兩、醋調炒米粉為丸、名六神丸、治同、再加杜仲四兩、茯苓四兩、名固腎啟脾丸、自註云、久服此丸、俾脾元足、而營衛運、斯分消之力旺、腎元足、而開闔神、斯固攝之權行。

溫補脾腎元氣主方

林公傳

杜仲錢二

人參

白朮各五分

茯苓

肉豆蔻去油各一錢
補骨脂

砂仁各五分

五味分二

水煎空心午前服

小腹隱痛加肉桂五分

小便不利加澤瀉一錢

胃關煎

治大瀉將脫久瀉不止

熟地

三四五錢

白木

二三錢

乾薑

一二錢炒

吳萸

五七分

炙艸

一錢

扁豆

炒研

山藥

炒各二錢

水煎服

按已上為治瀉之恒法。又有變通活法。不可不知。如久瀉服溫補及固澁之藥不止。或愈而復作。或既愈次年又應期而作。俱是錮積未除。宜通因通用之法。本事溫脾湯主之。又

有感秋金燥氣。始則咳嗽。久則往來寒熱。泄
瀉無度。服溫補藥更甚。或完穀不化。有似虛
寒。而不知肺中之熱。無處可宣。急奔大腸。食
入則不待傳化而直出。食不入則腸中之垢
亦隨氣奔而出。是以瀉利無休也。宜以黃芩
地骨皮。甘艸杏仁。阿膠潤肺之藥。兼潤其腸。
則源流俱清。寒熱咳嗽泄瀉一齊俱止矣。又
有瀉久亡陰。過服香燥之品。發熱口渴。微喘。

汗出煩燥。陰氣虛盡。陽氣不能久留。宜急養其陰。以阿膠。地黃。門冬等類。熬膏三四觔。日服十餘次。半月藥盡。遂效。另製補脾藥末。善後全愈。此喻嘉言之驗案也。

溫脾湯

本事方見時方

主治錮冷在腸胃間。泄瀉腹痛。宜先取去。然後調治。不可畏虛以養病也。

千金溫脾湯

方見實
在易

治積久熱痢赤白

生薑瀉心湯

治心下痞鞭乾噫食臭、脇下有水氣、腹中雷鳴下利者、

甘草瀉心湯

下後痞益甚、日利數十行、穀不化、此非熱結、但以胃中虛客氣上逆、故使鞭也、

半夏瀉心湯

嘔而發熱、心下滿而不痛、

黃芩湯

太陽少陽合病、自利者、

若嘔者、加生薑一錢五分、半夏一錢、名黃芩
加半夏生薑湯、

黃連湯

胸中熱、胃中有邪氣、腹中痛、欲嘔者、

即半夏瀉心湯、去黃芩、加桂枝以和表裏、

乾薑黃連黃芩人參湯

下利醫復吐下之食入口即吐

此方治嘔家夾熱不利於香砂橘半者服此如神昔張石頑先生借治脾胃虛寒腸有積熱之泄甚效

厚朴生薑甘草半夏人參湯

此仲景治汗後腹脹滿之方也張石頑借治瀉後腹脹滿甚效

石頑治總戎陳孟庸瀉利腹脹作痛服黃芩白芍之類脹急愈甚其脉洪盛而數按之則濡此濕熱傷脾胃之氣也與厚朴生薑甘草半夏人參湯二劑痛止脹減而泄利未已與乾薑黃芩黃連人參湯二劑瀉止而飲食不思與半夏瀉心湯二劑而安

葛根黃芩黃連湯

各見傷寒

此湯仲景治桂枝症醫反下之利遂不止脉

促喘而汗出之症。今借治表邪未解。腸胃俱熱之瀉甚效。

按君氣質輕清之葛根以解肌而止利。佐苦寒清肅之苓連以止汗而除喘。又加甘草以和中。先煮葛根後納諸藥。解肌之力緩。清中之氣銳。又與補中逐邪者殊法矣。

鍋粳蓮肉糖散

治老幼脾瀉久不愈神方

飯鍋粬

四兩
淨末

蓮肉

四兩
心淨末

白糖

四兩

右共和勻每服三五匙一日三次食遠服

丹礬蠟榴丸

治一切久瀉諸藥不效宜服此丸

黃丹

枯礬

黃蠟

各一兩

石榴皮

八錢
炒研

將蠟溶化小銅杓內再以丹礬榴皮三味細末乘熱為丸如荳大空心服五丸兼治紅痢